

## Zibandlela 2016



“Ngokuba sizalelwe umntwana, siphawe indodana, umbuso uyakuba semahlombe akhe, negama lakhe liyakuthiwa uMluleki omangalisayo, uNkulunkulu onamandla, uYise ongunaphakade, iNkosi yokuthula” (Isaya 9:6)

Nxusa elithandekayo

Kwaze kwayintokozo ukugubha kanye nawe ukuzalwa koMsindisi wethu uJesu Krestu. Sisaqala umkhuleko wethu kwinyanga kaZibandlela, sikhumbule ukukhulekela imindeni nabangani abangamazi uJesu njengeNkosi noMsindisi wabo.

Ngiyazi ukuthi uma sibheka izinto ezenzeka emhlabeni, silahlekelwa ithemba ukuthi izinto zingaguquka. Siyalingeka siphele amandla ukuthi uNkulunkulu angaphendula imikhuleko yethu. Ngikholwa ukuthi umkhuleko wokukholwa uyimpendulo kongenathemba. Sikholwa ukuthi uNkulunkulu uyalalela imikhuleko yethu futhi useduze nabanenhliziyo eyaphukileyo, uNkulunkulu uhlanganyela nathi uma sikhuleka.

Nina besifazane abakhulekayo kholwani ukuthi imikhuleko yenu iyaphendulwa noma ningaboni izimpendulo ngamehlo enyama. Uma singazi ukuthi senzeni, sikhuleka kuNkulunkulu owazi konke futhi kusebenzelana kube kuhle kuye ngokwecebo lakhe. Uma sibhekana nezimpi njalo siyakhuleka sikholwa ukuthi ngoKrestu singenza konke, ngoba usinika amandla. Singalahli ithemba kuNkulunkulu othando lwakhe olumi izolo, namhla naphakade.

Ngiyabonga ukunxusa kwenu bekumangalisa kulonyaka. Ukuzinikela okungabalekiyo kwemikhuleko yenu, kuthinte kakhulu inhliziyo yami. Ngibheke izicelo zonyaka ozayo ezizovula amasango asezulwini okungamaphimbo aqhamuka emhlabeni wonke ephakamisa igama likaJesu. Ngiyabonga ngokukholwa nokukhuleka kuNkulunkulu oseduzane ukulalela ukukhala kwamadodakazi akhe.

Futhi ngibonga uthando nokulekelela nikholwa ukuthi uNkulunkulu angenza okuningi nangaphezu kokuqonda kwethu (Efesu 3:20). Asiqhubeke sikhulekele ukuqondisa kukaNkulunkulu nokuholwa Nguye sisazongena kunyaka omusha, sithembeke ekukhonzeni iNkosi, sicele uNkulunkulu kunezelwe abanye abazonxusa ngokukhuleka ngonyaka ozayo.

Kuye izinhliziyi zethu ziyathokoza,

Peggy Banks

Umqondisi jikelele

Kumsebenzi kaHana